

續

耆

舊

續耆舊卷六十四

六長者詩

前此錄七長者詩行輩最上其足以嗣遺響者又得天多先生以下諸人作六長者傳

天多老人楊秉綬字祚收太僕美益曾孫也楊氏自文懿康簡以來宅望為鄞第一老人於推官瑤仲兄弟為父行國難時瑤仲兄弟從戎江上而老人以遺民立扶社為楊氏宗老人最多奈讀書不殉古人來見尤精考索里中後輩遙見望老人曳杖來即歡迎之聽其談故國事涵、汨、以為異聞先公嘗述老人言初年間次仲昭名煜誤抹艾千子文不自媿友陷之停科又抑陳大士而進李青妄以為維斗及行賂于嘉定再入闈求雪恥而此得又為陳名夏輒思唾其面及亡命走越路阻馮氏

園慈入捫其髮報諸水復提而問之曰降賊者汝耶如是者三
而死是生平一快事又言闔古、勅史道鄰清君側然觀其以
言兵事為不足望卒幻安次革即用之亦未必能扶危疆持其
壯志則百死不屈當是時老人雖頌古、荀子如河注海又言
近問澹歸晚節稍委蛇諸公可為我審之如其果也則其果也
則其人可絕如不然莫妄言蓋先公問于老人者極多晚節所
記祇此然皆權史之助也者人自丙戌以後頽然自放者書
甚多其漸浙水利考尤有闢實用願早喪其子有孫年十四
而殤忽、不自得踰八十又遭大火書焚燬其老妻匍匐烈燄
中僅免嘆曰吾已無國無家今又無書是天多我也因自號曰
天多老人然神明常不衰常言苟得容膝之地衣食且自贍平
生著述尚可一二記出適有延之課子者老人以為如願欣然

而往既適館設崇筵于絳帳含杯未飲而卒嗚呼老人之窮如此遂無片紙隻字存乎人間然則鄭以南之沉井其亦見于此而然耶謝皋羽之殉葬幸免生前而終憂其不保也耶是則大造之酷有不可解者矣

哭楚石兄弟

一朝駢首殪袁劉欲救無涕泗流拭眼正期天復旦驚心豈料蠅生讐飄零白骨賜應斷傾覆危巢夢亦愁誰向鄧林怜國士貞心于邑遯荒邱

鑄錯何返嘆寶刀第一死愧兒曹魂依豈主鮮天關怒逐鴟夷激海濤九葉世臣真有後臣一成義旅竟徒勞常山不屈無優劣青史將來第一標

哭天璽

可恨到底被罽羅讀罷離騷一放詞已博連枝埋玉樹尚思隻手
逐陽戈芳名繪閣他年赫白骨拋原今世苟十五年中泯先後同
扶正氣壯山河

朱隱君獻臣原名廷鑑改名世溶最後始改今名字餘古曉菴柳
堂之羣從也娶于蛟門謝氏范文香谷其寮壻香谷風格崖奇
而先生之和平邃密香谷嘿然服之亂後善收拾世家法物插
架上無算故有小五岳軒之稱最長年雖潦倒厄窮而衣冠峻
整非法不言非礼不履里中奉為模楷先生之集予與其德言
交曾見之未及抄而德言死族有無賴子以私意匿之予苦索
之反為此辱因笑謂杲堂選前集備述購求之苦然未遭橫逆
則可以見世家後日入之日下也

題華將忠勇卷是日舟次三榴適有野人指將軍墓肅拜向
予問其顛末因成四韻

潮落輕舟次渡頭翔風吹雪到荒邱野人猶將軍事客子還深故
國愁石積寒煙第幾時連衰艸夕陽留姓名不沒垂青史莫嘆

當年身未候

卷之三

三

木洞真經

錢隱君肅臨字二咸一字方雪忠介公肅樂族弟也吾鄉錢氏于
明室稱世臣甲乙而後忠介先生兄弟四人死于王事其不降
不辱者自退山侍御外如肅度肅緒肅文皆江上遺臣而隱君
之埋身土室亦其一也蓋西蘭碩未嘗輕為人作其集不戒于
火族子中盛拾灰燼之餘以示予因錄其十之五

過小白嶺

萬山攢翠裡一迤闌烟蘿古石眠雲靜无帆乱眼多凌高獵秋爽
眺遠得盤阿坐久忘身世斜陽奈如何

雨夜懷三弟九素

瑞雨殘灯夜孤眠擁積愁春光犹未老心事已先秋水濶兼葭路
雲寒花萼樓不知双履底多少翠微收

甲申秋夜對月

月其人俱獨秋兼夜益清砌寒虫語澀風急暮鴻驚擊節思乘浪
聞難欲結纓不知今夕裡何以照燕京

寫懷

老去尚哀颯妻孥喜共幃久傷炊白夢又唱出閨詩皓月高樓夜
清霜靜曉時生憎負郭少適拙定何期

穉廉第齋頭一蛙獨鳴凡三年矣予館此愛其清響漫咏

丁香花下一蛙鳴遂覺庭除野趣生短榻春星回客夢高樓夜雨
雜書殼蝦蟆石還安無伴息偃蒿萊喜不驚性尔化衣塵日滿試
未側耳定移情

送別董岳堂

日暗天教罷問津逢君稅駕守荆榛兼天波浪文瀾大雨過山嵐
詩氣新若梳半年多共席江蓬一葉忽催人蹉跎莫忘西陵酒漁

禁初開滿市陳

諸錢殺氣之廣寒灰道人為最闔修則方雪為最吾鄉人莫
見方雪之詩者不知其冲深高雅固沙社之最者也

高隱君斗開字光先一字蒙菴都御史斗樞第四弟也高氏諸季
皆晚出丙戌蒙菴甫冠以其伯兄之故終身不預進取事而風
格有承平之遺善識古玩尤愛燒夢終日焚香靜坐及晚年家
壁立而爐獨存邱惺齋贈以詩云貧不賣爐存古格者是也其
詩頗師其仲兄廢翁以火後無存其子今年八十矣為予誦此
記七言長句數首此却灰耳而其中之耿、有不媿諸兄因為
抄傳之桑海殘編得比于伏氏之遺經蒙菴亦應含笑于地下
矣

詩話廢翁以下兄弟四人皆庶子願皆于都御史極友愛
且皆挾風雅其志節又相符是時吾鄉同產兄弟為遺民
者槐庭三林寔籍軒三董明鶴州堂二林南樓二陸未有
如高氏之盛者也

訂友人觀梅

紫扉曉日映窗紅
晨夕思君話舊衷
白髮浩歌修晚節
寬腸薄酒醉春風
同時老友烽烟裏
盖世名賢草莽中
連日梅花開未了
家貧不設應門童

秋懷

楓桺初紅菊正黃
新晴游舫出郊忙
蘆汀晚色漁燈淡
茅店風聲酒旆狂
不易操持甘寂寞
且應漫興任徜徉
此中間念都消盡
索句猶憐字、香

紀公子歷祚字永吉推官五倫子也諸生紀氏于吾鄆門閥不著而世以讀書自好推官薄宦依然寒素而先生于書無所不讀其綜羅穿穴尤熟于古今礼自熙制度郡國分合山川夷險名物象數之學言之如貫魚是時吾鄆文獻之傳其一為先生其一為楊祁收其一為萬徵君季野先生資格與祁收伯仲皆居季野之前而季野以在梨洲之門一時嚴華不胥而走祁收尚唱和于諸社間獨先生放廢湖海深自悶匿莫之知也先生既棄其諸生高冠深衣佩服古雅每年三月十九日以麥飯思宗涕闕干或笑之曰草莽臣而祭天子礼有之乎谷之曰此謂野哭者也先生好善若渴疾惡若仇然深情以結幾成魔窟門生諸子從子游街巷間有此過一坊一闕其姓名為素此重者則肅容揖之其有可議者則歷舉其事谷之謂從者曰此敬恭

桑梓之中此當甄別者也凡先生此過街巷之人觀者如堵高
武部隱學輒敬止錄每就之共仿執事焉凡四十三年感憤日
甚竟自投于水論者比之皇甫東生然東生死于宋亡八年之
後而先生遲之四十餘年之久苟非深知之者莫能明其衷曲
也先生既一切遺落世事晚年益貧其子孫亦遂不復收拾其
詩文故不傳

高文宮山敬止錄奉題卷後

此邦小涖泗舊德典型多城下難漸沒諸生尚咏歌可怜文獻失
坐聽是非謫宿老餘生在遺文定不磨

周公子致奉字開文太僕昌晉子工于詩最長年有六朝世胄之風而以貧死其集四卷數年前尚無恙今為一年少此得不知流落何往矣

哭囊雲

微塵天地自靈舟眼底滄桑水上漚叢菊幾殘陶令宅平蕪空憶漢陵秋西垣日落身疑夢半衲雲歸影不留千載豈教還化鶴茫茫早付一囊收

河山正氣日星文石骨霜剝故絕羣悟在聖賢何計學法原影幻更無云十年冷壁千峰雪萬壑孤舟一杖雲我欲點頭君不語此中授受已如聞

西來有意渺難憑長夜惟懸此一燈萬古光回皆浩氣三生事在即親承早怜于昔猶餘死始信而今得可僧解到心、能自証誰

言作佛幾人曾

續者舊卷六十五

幕府諸公詩

是集此錄炎興幕府之士自殉難諸公外前輩報于次公文虎後輩終于草亭守山皆喪職賣志之士蓋不下四十人已別有銓次矣然尚有未盡者得二十人則泯沒且盡而卒得之雖者叢殘奇零之甚乎然是時人物尚不止此諸公得傳一二其亦愈于并此而無之者也

方虞部陞字

有龍威文人集今失檢

悲初度次胡壁水

四十四年悲初度霜花點鬢須點數引杯和淚澆心磊攬腕堆愁宿眉宇屋下籌深海水孔門前矢直天狼步男兒恥不書旂常辱生囚死同一趣

李監軍方春字天保諸生最其陳恭潔公善甲申之变先生在恭
潔邸中恭潔投繯曰進賢冠非罪臣此宜用安此得中先生除
其頭上巾典之因為視含殯微服南歸乙酉豫于錢忠介公幕
府從戎江上軍敗賣志以歿予求先生之遺文絕無傳者僅得
其挽恭潔少姬時氏一首

陳侍御姬人時氏挽詞

公扳龍驤去妾附秋車翔月沒犹留照蘭枯暗芳香夢靈微鄭姑
毋不待睢陽老生慚未死援筆酬椒漿

王監軍家亮字天樂石雁先生之兄也才華異其弟埒鶴山七子
王氏居其二以貢生豫于錢忠介公幕府石雁死後枯槁抑鬱
以死今其著述散亡盡矣

秋夜

疎木秋聲落清閒對曉楓星河明帶月砧杵亂乘風衰鬢孤灯外
愁心五夜中詩文成底事搔首問天公

夜風

日暗雲低旅客房高林月落舞風狂孤灯影動帷難定栖鳥翎翻
夜欲翔漏急易沉千里月衾寒難夢五更鄉悲吟有與林無絳坐
待鄰雞喚短牆

駱監軍國挺字天植學者稱為寒崖先生角上諸舊姓駱氏不著
至明天啟間駱忽盛而先生以氣質文章大有教于時居東郭
其時東郭強宗莫出砌里之上官閥人材皆不可屈指而里人
至以李駱並稱其所以頡頏者特因先生一人先生雅興華嘿
農王石雁王水功李昭武高隱學善其風格學問皆相上下東
江之役首出叅豫在瓜里幕府執掌盡瘁嘗與嘿農臨江督戰
砲火往頭過者幾度不以為恐事去山中耿、戊子之難先生
亦下獄尋得釋復從事于林門姚諸之間百死不回甲辰以後
先生無復燃灰之望魂枯魄落嘗夜夢與蒼水絕島中痛哭失
聲四鄰為之驚報先生尚未寤也于是林荔堂諸高士為之賦
紀夢詩竟以阮穷而死自先生死駱氏復衰不振先生有子手
遺集所夕肅容觀之已而其子亦死絕嗣寒崖著述不可問矣

贈無學

有髮欲剃苦未能每見公等心即喜況復如君雅詩詞相逢久坐
身不起間知半滿字俱空想着拈花微笑中綺語文章竟何事有
言爭似無言工無言且看籬邊霜經依舊黃兼綠昨夜小春桃李
開蜂蝶喧隨徒碌

李觀察振璣詩傳俱失

張監軍尚燮字世調一字仁自隱居槎湖豫于東江之師興楊琮
仲輩司餉有功晚年双目皆盲而嘯歌不輟予求其集惜未之
得

贈周德林太守

曾見露冕早行春
息影瞿曇似也真
漫說求禪宜有伴
從知盟道已無人
千秋悲憤洒何處
九鼎絃竿繫一身
不是臨風多結想
如何把盞暗傷神

喜復明篇為西明賦

人身小天地
眸如日月行
嗟君甫踰艾
日朗月勿明
忽十九載
滄桑隻覲驚
道力持以固
性灵光自瑩
一朝如電閃
久翳吐精英
障魔折以盡
蛟蟾魄不生
双目見全体
照世無邈情
呼天聞日月
晦蝕幾時更
高明並悠久
吾知配至誠
一心持不貳
兩目觀昇平

慨予志張籍暗室若將迎坐談之敵聲賞茲心未育有志同左邱
春秋傳未成此時增太息同虧不同盈浩歌復明篇芳樽且共傾
詩話槎湖張氏三詩人一為盲隱一為即園皆有汝社之
操而盲隱軍事尤尊一為蓉嶼入仕

新朝蓉嶼之集至流傳即園則稀矣然予求之尚得數卷
盲隱則槎湖子弟竟無知者

紀侍御五昌字衷文號九峯梨州先生志其墓曰公羣從皆以科第起家而公在庠序間鬱有時舉此友皆邑之名士時逢喪亂不欲以經生自置奇才劍客相與周旋四方失職者多以公為歸同邑之士落于睚眦者公必多方救之不得則憫藉其家令其知死可樂而生可悲也而其大節可傳者有二少從錢忠介公學忠介截江之守公入其幕府多此贊畫題授行人推陞監軍御史忠介航海公之親老不行忠介卒于閩家人忽不見公以為親串此授止月餘而返方知其入閩哭忠介也此與謝臯羽之西臺痛哭何異乎張司馬被執之省其甥朱相玉貧不能從公資以襪被且以貲首之資付之相玉奉公之教得收葬于西湖此與張毅甫負文山之骸何異乎夫臯羽毅夫其事爭光于日月而公之此為但傳之卿党一二此識之口能保其不

泯沒乎古來如此者多矣公自司馬歿後遂病翻胃自言吾年
六十二當卒康熙辛亥八月十一日卒正公訖期之年娶李氏
子二厯元厯儀

除夕得游字

此夕思悠、年華一轉瞬擁爐貪夜坐秉燭待春遊寂寞故園泪
淒涼蕭寺秋祇應藏柏酒明日醉登樓

煖入春風夜寒辭故國秋物華隨年柄心緒折刀頭漏盡聞人語
灯殘見客游在家當此際應是不須愁

元旦得堂字

曙色千門啟蕭然旅舍中有懷驚夢遠無意卜年豈吳越江山異
乾坤歲序同獨怜迎送少終日坐春風

丁監軍秦清字在躬鶴山諸子之一也少承都御史膏梁之蔭田
連阡陌華王之難傾家救之又以連年輸餉盡喪所有蕉萃而
卒

族祖移翁先生諱美章字未干先宮詹公之孫而舍人公次子也
先宮詹貧甚舍人之歿棺衾俱竭力而後備故先生雖世胄蕭
然如僧素獨異兄弟講求王佐之學尤以名節自厲張都督蒼
水為諸生放誕不羈呼靈旁晝夜父兄師友皆拒之先生一見
曰斯異人也乃盡買負郭田三百金為償博逋而勸其折節改
行督師因以女妻先生仲子已而江上大亂先生馳驅其間事
既不克幅巾歸里而督師累蹶累起崛起山海遂為大朝計指
目先生買田黃岩將客諸督師之家未幾而督師眷屬以被錄
乃遣仲子挈婦往避焉先生自遂託目肩掩閤寂坐言笑俱絕
以免于風波臨終書末命曰吾未得為蒼水延一綫汝遭汝曹
當章其記嗚呼太白之識汾陽其異先生之識督師皆出于風
塵物色之外成敗不同其為宇宙間柱石一也娶周氏江上授

礼部主事子三其仲為督師壻者遂居黃岩以著松窗集風格
亦九靈山人一輩也

屠鎮撫鼎忠字禹銘天生先生之兄也乙酉閏六月之役先生偕其弟在孫公嘉績幕府江上追敘其先世門蔭官以鎮撫天生殉節先生社門謝客穷愁以卒

冬雨

四野彤雲合
絲垂帶雪飛
籍濡遲日瀑
衣薄怯風威
急溜成冰筋
斜吹動竹扉
乾坤長晦冥
誰不望朝暉

吊保定張公合門死節

板蕩乾坤藉激揚
萬年青史水流芳
國恩再世榮弓冶
臣節孤誠凜雪霜
保障亦心悲勁草
膏原腥血濺天狼
一門駢首定忠義
羅帶猶甘飲劍鏐

徐監軍明節字松盟太常卿應奎孫而林都御史時對妹婿也常
在御史軍中

客有自北歸者哀其老而贈之

憶昔驅車遠別離、猶是少年時誰知一去幾十載流落天涯
徒想思忽然一朝返里門鶴髮廢眉非舊春且衰且憐問此因客
言別後受風塵銜寒冒暑入出薊滿目風烟蔽天地身經百戰復
城池朝挾矢石暮枕屍出師渡瀘正五月溪宮荆棘銅駝沒笳鼓
吹斷戍楊清戰鬼哭兮胡馬鳴帶劍歸來滿頭雷雲山不盡心欲
絕擊筑歌寒易水秋壯心猶繫木蘭舟嗚呼老翁空白頭浩氣向
誰酬南冠共楚囚泣今日相看徒於邑

林明經弘琦字雲書侍郎棟隆子以乙酉宣力王事進明經林氏
家傳不言其諱于江上之師

鍾監軍鳴雷字奮若常恭義師後為北來軍士所侮憤甚而死監
軍居東皋風格亦徐我庸一流也

李都事振記字佩于號樛耳尚書康先子梨州先生志其墓

雪後過五峰寺

雪積遙峰映曲溪
瑤臺時得續前題
雲初向霽連天碧
鳥盡驚寒宿樹低
僧舍白分梅綻嶺
竹籬黃見笋生泥
尋幽未得泛蓮社
忘却山南日影西

胡明經耀庚字元白號日電昭武先生集中有贈明經贊曰名播
藝苑守之以謙學綜古今愛之以讓才雄萬夫親之若怯智囊
百代藏之若愚其推重如此幕府之事無攷矣

董大行應遵字王路跡正先諸生大行家素饒乙酉六月破家輸
餉錢忠介公令典柴耀明司餉之出納莊太常上其名于監國
授行人司行人丙戌棄去入大梅山其法幢曲座家中被兵
燹劫者再然不久即復振說者以為陶猗之術其時浙中善治
生者二人石門曹太僕遠思自國難後忽事貨殖起家至無算
隨手為俠烈之行而用不竭其次即大行其行義不可屈指終
身幅巾深衣未嘗一日改也族子如戶部往偶大曉山人劍鐔
族孫如孝廉允璠皆力持標梅不肯妄許人者至于隱君亦
推為宗門祭酒卒年七十七歲能前其期云

奉家君避寇東湖

海宇連烽火江城迫羽書
亂離吾輩賤搶攘故人疎
箕老怜親健排愁苦晝餘
蒼范湖上月偏自照村居

哭族姪若思

吾家司馬壯鴻圖偉烈孫謀愧老夫海上旌旄終寂寞江干盟誓
未模糊剖心
斷首千年不肯枯況有慈親憤齒淖倚
閭無地觸頭顱

李觀察文樂詩傳俱失

舒叅軍天福字五齊舞一新諸生亦嘗以膏餉孺于江東之師者

葉觀

蒼葭催鱣曲黃葉下芳洲耳畔猶疑雨風來始覺秋成功應吐取
誠候且歸休幾度呼童掃須臾復滿邱

傳監軍奇遇字尔光林繭菴先生微獻錄曰傳明經帝賚諱奇遇
幼善屬文邑令張公緄海試童子首拔以冠多士時先中憲亦
受知張公與君交好癸酉稱幾售以額溢復落姚江熊雨殷先
生聞其名延為家塾都講乙酉以歲荐授工部司務丙戌後杜
門不出教授里中資館穀以糊口晚客舟卒此著有四書編註
易彙元解左氏類斷諸書子七人龍從征瓜瀝授副總兵攀龍
有隼才謝諸生設教營官以自晦焉

次閩中葉相公孫子器挽葬錢希毅韻

子卿持節噓羶雪十九年來胡地拆自古忠臣志本朝
太剛折惟我明州錢希毅浩天塞天世上絕誓死不回義旂揚丹
心一點堅如鉄請纓不遂泛樓船破浪雄心對明月黃霧迷天權
貴驕孤臣能抗文忠節忘身忘家傷如何拚命不避入虎穴無奈

一木莫能支昊天不惠非譴劣息機祝髮暫留身時務能識祿俊
傑不料懷忠舊王深一朝瀝胆弃塵跡忠臣一死以謝君志士痛
心為泣血葉相之孫未面交獨怜忠義甘跋涉磬山片地卜佳城
窀穸窀穸安靈魄且有同調姚翼明典僧碧居皆義客順流扶櫬
天吳逆生死交情不負昔殺氣相投豈假謀高風颺起翻滄澤相
孫還瘞相二身義士義臣同不滅嗚呼姓名萬古留青史今日何
須空口說

李明經凱字仲捷砌里諸李之一也諸生豫于乙酉東江幕府進
明經其名見錢忠介公疏中而其後人無知之者

續耆舊卷六十六

西村六子之二

宗董七子之社既散復有六子之約二老而外聞忘泉張
即園周殷靖忘泉乃即園之舅也其一為周證山入仕新
朝而即園以江上大將豫焉又一奇也

張都督立中字躍夫一字即園尚書時徹之後也六歲能咏物丙
戌以諸生充督府贊畫累官都督御營總兵時年二十有四事
去隱居槎湖有地曰半畝花埭因卜築焉此謂即園者也已而
遷居城中縱情酒色以卒性癖不輕與人合獨周證山最推挹
之證山官即墨手抄其詩一卷置行篋中請荔堂果堂諸先生
為作序諸先生亦皆稱其詩今即園後人甚微予求其集不完
似未足以盡其長也

隱居答當道諸公

故友衡門忽見招一枝已許借鷦鷯出人自擬同巢父新主堆言
非帝堯黃閣賓朋勞繾綣青山猿鶴伴蕭條人生總為浮名累車
笠而今謝久要

數載經營一草堂庭除綠竹已成行菊開白社重陽近瓜動青門
五色芳東海波深堪洗垢南山霧隱亦呈祥誰將祭器朝周去尚
拉商容共裸將

感懷

桑田眼見幾回更世事紛紜不可名東海困龍猶鼓鬣西山義士
尚偷生新愁舊恨斜陽斷古是今非細雨殷頻賞濁醪澆磊塊何
須消息問君平

即園雜感

十年麋鹿已為羣世事湏、懶其聞出徑有誰同玩月空庭無客
自烹雲莫誇說劍犹存古祇合迷花不事君最長故交絕音問何
須更著北山文

花竹琴書名列行隱君忠事傲羲皇不嫌白髮生銅鏡自喜青山
入草堂天地有情歸賀老山河無意屬嚴光赤松招我尋雲壑
世相儘未渺茫

行路難

行路難、若何徧地干戈山行有豺狼江淮河漢更有不測之風
波無錢不得歸有錢遭網羅在家亦自好飢寒如何過飢寒犹之
可更苦長吏之催科行路難且休歌在家之難較更多

自遣

不應人世沒黃雲廿載容身一谷愚今古窮愁歸沙社桑田文獻

屬渚夫梅邊放鶴多真意雪裡騎驢債故吾白、英灵誰可贈寒
山片雨夜來烏

請大梅老人還山

空山落葉即袈裟野鶴巢空無復家兩脚雲嵐來海嶠一肩風雪
領梅花山枯卓錫泉犹冽水熟信經語不憚一去法輪瞻望切幾
回飛夢繞南華

見馬湘蘭画

建業風流艷綺羅當年眉黛已如何美人影落馬支井天子魂飛
玉樹歌桃葉渡頭春水漲莫愁湖上夜雲多即今尚見湘君画一
樹紅蘭映綠蘿

癸卯除夕

不計空囊無一錢酒杯詩乱灯前庚申葬母端逢臘甲子書王必

紀年近日梅花相臥起來朝竹葉且周旋無兒有女吾知且況亦
彈琴解聽絃

聞隱君性道字天迪一字心泉莊簡公淵之後也博學專用功于詩古文詞丙戌後弃諸生辛卯蒲洲之變張相國統淵死節一門二十七人骨肉狼籍高經歷文衣隨征在軍隱君故其之善入乃其營竟得經歷之力以三大甕至雪交亭一貯相國骨一貯諸客及僕骨一貯諸姬骨謀葬之而相國故將汝應元自補陀至相與共瘞之茶山時甬上諸當道自王觀察尔祿楊太守之初汪令君源澤皆與隱君善戊午許觀察宏勳欲以博學宏詞荐力辭其後王學使揆親造其廬纂修鄞縣誌多訪考隱君行文不長于筆而鄞志頗遭物議然其援据皆有原本此著書百餘種以無後散失論者惜之予求其功僅二百餘篇而擇其存者錄之

答友人問詩法

詩亦文人胆無言句始傳譬如諸種操只在七修弦曠遠來何處
孤高聽自然萬峯行欲盡獨立控飛泉

心泉之修寧波府志也荔堂隱學二先生極皆賞之不知
其後何以又出而修鄞志頗不理于人口矣然後知士之
晚節寧絕人迹世尚足以自全其潔稍有不固即不免雌
黃之加也

聞氏訪旅自隱鱗先生後即與國難接其間如賓王霄虹
峻伯皆盛有名在心泉之前今皆無可考見石胡璘友兄
第亦嗣心泉而出今皆散亡吾甬世家文獻未有如聞氏
之哀者

續耆舊卷六十七

西村六子之一

竭廬老人周志嘉字殷靖孫松菴殉難江都令志畏從弟也丁亥年十六授知于華檢過宜之門極稱許之是年十月檢討被難先生隔三日必入獄視囊餽檢討囚中詩相贈者最多因屬其壻楊晦遵定交焉時先生之年甫冠可以不甘放棄而毅然守世臣之節不復試于有司周氏當國安者極盛惟一先生尤款詩老先生從之朝夕唱和無非黍離麥秀之音兼二詞晚來耆舊凋喪困甚然終不肯屈抑浩然之氣守之自如愛溪山水之秀因徙居焉溪上有楊氏家頗饒亦稍習韻律以其二子見設醴甚恭先生謂同游者曰此中山水之秀者我于此不厭此不可者多此一楊氏者耳夫楊也學為韻事而無真意者也未幾卒

以窮死先生之卒去今僅三十年而蝸廬集已無存予苦求之
其後人既無有既先生同社西村六子後人亦皆式微當年還
往吟卷無可搜討為之流涕

錢退山侍郎序先生詩曰囊雲先生高峯頂上破衲芒屨
以其霜空未脫為性情其溪光山色相互答其詩靜闢性
府先生與之互相切磨故其詩得惟剗削淨絕一發妙心非
特李杜王謝之影响不屑蹈其行間即蘇李陶謝亦不肯
蹈其死後之香吻雖此遺不偶意況極濤倒而當山窓月
成水流雲靜之下一誦其詩恍如振衣千仞濯足萬里又十
日商鼎周彝當時未必驚嘆垂之數世後自見其流光騰
怪者松在你谷納日月之華厲霜之幹人莫知之榮茂結
為琥珀嗚呼退山之言詩以人先生之詩必佳也豈知正十

有不盡然者

浮石諸周搢竟陵之旨者四一為立之先生一為唯一先生一為先生最後為憲臣而岷公之初亦出竟陵而後變四家惟唯一有完集耳里中後輩能奉先生之姓氏者亦希予特為發明其大節先生之目可瞑矣

西村六子宗董本宿即園之學不如溫泉溫泉之才不如先生惟先生其岷公稱對手故宗董皆心折之

羊山遇孔冶亦詢及仲兄殉難事感賦

仲兄諱志畏癸未進士令江都五月殉難福祿精舍

廣陵乙酉師亡日五月孤臣斃梵宮白骨僅完青史事千秋難了九泉哀江城旅櫬悲周處暮雨空山遇孔融共訴滄桑餘涕淚深慚多難此飄蓬

次韵紀遊

經旬多病遊仍健對此村光更懶眠
茆屋燕歸漁待月夕陽風定柳藏烟

秀水索酒令君

逶迤竹徑似山深借榻逢梅香滿林
此地由來稱醉里笑子獨醒坐花陰

野步

策杖鋤罷受初涼拂拭芒鞋趁夕陽
興鳥紆迴秋水畔看雲閒放暮林長行
尋黃菊開還早笑問青天老更狂
遲步兒童呼飯食蔬羹脫粟瓦盆香

清隱菴謾興

支離依白社林密易黃昏
獨羨雲中鳥仍歸原上村
湖山空函舫

戎馬暗柴門生計從誰問拋燈憶弟昆
野外相遇少比鄰識仲容袖携連日雨話接五更鐘殘月窺孤客
殷雷起臥龍何如僧睡熟晴雨不關胸

三月十一夜

寒食郊原事、幽可怜春色不勝愁黃鸝斷續無心聽紫燕差池
未肯留滿地落花孤塚月隔牆短笛夕陽樓何堪離索惟支慨聽
雨灯前白盡頭

石塘市

細雨遲山市鄉鄰拉伴行魚蝦衣角裹鵝鴨擔頭鳴白酒喧芳店
紅妝納竹簾親朋大都在街口競呼名

醉返

荷笠尋蘭過隔牆故人呼我醉茅柴歸從雲際逢寒月忘却溪橋

濯草鞵

哭杞公姪

少壯登朝豈數奇，那知人事轉差池。
一官半載遭縲絏，八口空囊泣路歧。
秉燭讀書叢棘內，騎驢攜手雪霜時。
當日幾許傷心處，相對除予更復誰。

甲申三月望後四日有寄

曉聞嫠婦泣荒阡，猶憶鸞分值此年。
眉黛已非京兆，西廡蘭不續。
介山烟四郊，麥秀迷華表。
一樹冬青叫杜鵑，今日寄君、記否幾
回搔首問青天。

續耆舊卷六十八

諸遺民詩 共十七人

錢隱君啟忠字臨吉

登烟雨樓

二月南湖春水明
曉來烟色放新晴
梅花一樹迎人立
楊柳千條傍路橫
雲護僧厨連雉堞
風迴魚艇亂鴉聲
蒼茫彈指成今昔
又復登臨動遠情

即事

買得扁舟細雨餘
移家出谷向村居
門多豈州驅新犢
窓有殘灯檢舊書
避地自知生事寡
安貧不嫌世情疎
盤飧粗糲期充腹
但課頑兒學荷鋤

全隱君美楠字寤墨先舍人公長子風節挺高于書無此不讀亂
後杜門以穷愁終

新竹

土膏纔動盡森然破石穿苔個、圓尺寸已知低謝地尋常不怨
上窺天

腰斧穿林只一鐺竭來深坐煮鮮清但須留取千尋質防備蛟龍
一夜生

聞隱君守宸失其字

挽周使君德林

少小雞壇盟未寒忽歸蒿里淚闌干三千蜀道曾持節五馬滇南
早挂冠邈世長思化猿鶴戕生不復茁芝蘭生平豪飲非閑酒此
意茫、一撫棺

詩話德林子丙戌後有五子之社曰韓國祚曰聞世詮曰
陸燦而守宸其一也

韓隱君國祚

挽周使君德林

蘭以馨自銷膏以明自燒嗟乎周太守魂逐胥江潮
相馬失諸瘦相士失諸貧更誰同我輩晚節厲松筠

聞隱君世詮

挽周太守德林

空向高陽結酒人，可憐無計可逃秦。
山中鼎足三和尚，城北同心一使君。
故國不虧忠與孝，西來共訝醉而髡。
遂教四十匆、死靡有子遺累此身。

邵秀才鑛字襟九

輓錢忠介公

早來挾策動宸京回首燕雲淚滿纓
匣底陰符韜豹畧床頭孤劍吼龍精
旗常江上橫猶厲夢到湖中恨未平
一點葵衷留劍闕勞清夢繞邊城

高隱君宇啟字元大

吊紀永吉赴水

四十三年恨未消最傷心是值今宵年、此志辭周粟冉、今朝
赴屈潮一代衣冠隨浪沒百年文獻逐波濤可憐正氣天將喪古
道于今竟寥寂

常真僧林時雍

甲申野哭詩

撓搶此日亂神京萬姓搖、帝座傾社稷同時歸一炬空留將月
照空城

元良未遂撫軍謀鶴禁無完卵不留縹渺英魂何處在前星目斷
楚江陰

挽囊雲

雲亦分淡濃、者逐人走先生惡其腥迹之栖山阜只有淡雲間
呼入囊中紐同茲以臥游締為世外友當時天柱傾猛煉媧皇手
惜哉雲力微五色不能赴視軀不即殉七尺終疑負且忍髭鬚捐自
尊葬塚樓一朝此脫輕彷彿混釋偶存子千古重端的尊魯叟
溘焉偕雲飄蒼生仰烏有白晝天地昏乃疑綱維朽臘月雷復僵

哽其淒風吼炫然雨霰悲淚漫山阿首予謂哀也愚斯人何暫久
是雲是其身不在高空否

林隱君弘玠字介玉一字梅叟西明山人長子也諸生丙戌後棄
之隱晚最與族弟都御史繭菴唱和甚歡

孟夏日大雷山居即事

乍憐城市隔更喜值清和鳥弄遷喬日山鳴伐木歌黃泥穿笋大
紅妳釣魚多呼酒堂佳味相期賦碩邁

小閣迎朝旭虛檐送夕陽千峯雲外斷萬木雨中涼麥隴輕翻浪
松濤遠奏簧恍疑仙路近應許到劉郎

聞隱君胤松字峻伯莊簡公淵之後而先生贈公思舊館八子之一也予求其集不可得

贈錢螯菴

五經甲第紹家聲弱冠詞壇避席迎蓮社不教辭麴蘖滌山猶得待明誠歸來閣外千峯秀東渡城邊萬卷橫今日故園耕讀課勝如車馬拜桓榮

全隱君大鏞字毅遠孫碩人先和州公孫也盛德篤行亦西明山人邵雲客一輩人此著有杜詩綱目絲滿窗詩草

讀陶彭澤停雲篇有懷

水流九曲白山插六峯青中有素心者締交可忘形松濤落高枕江月動空庭尚友論千古懷人惟德馨援琴方一鼓清籟滿林坰

吳隱君之聘失其字詩傳俱無

王隱君家勤獻字茂修石雁先生之弟

昭君

馬上琵琶曲、遠送人可憐、漢苑色遙作塞邊、春斜月蛾眉影、
鳴笳鳳闕身朝華、秋艸思悲嘆不逢辰

王隱君家纘字石英石雁先生之弟

夏日謝客高臥

高齋竹鎖到人稀
長夏風微且睡時
醉去方知閒可樂
病來偏共懶相宜
榻邊動息蠅先覺
夢裡清狂蝶未知
消渴徑年兼苦渴
登臨久罷廢裁詩

李秀才挺字叔儒忠毅公標之弟也性愛絲竹居城東愛遊名山
水間每出必令酒鎗茶灶俱具而行思廟三月十九之變以五
月五日至鄞先生一慟時已有疾以是遂篤三日而卒從子文
胤哭之有云九霄猶被髮萬里亦扳髯者也

丁大司馬邀賞花燈即席賦

潭府開尊夜華灯照酒危金蓮爭月麗火樹煥星移敢謂曳裾遇
相將問字奇生來心共遠漫喜數追隨

沈公子延執字御三太常卿奉藩之子國亡不仕

陸無文以新詩遣見示慰和

聞道仙廬接閬蓬幾因跨鶴動征鵬孤松手撫耽遺逸五柳門裁
長素風湖海曠懷塵榻外却溝春色苑庭中筆床茶灶隨吾適俯
仰乾坤一放翁

渭北江南憶昔時風流文采夙心師耳聆咳唾生珠玉坐對鬚眉
挹紫芝恨不早通融帳賫犹欣近接輅川詩挑灯細詠陽春曲雪
藉冰桃慰怒飢